

Raportas Kubo 10 novajn kazojn kaj neniun forpason de Covid-19



Havano, maj 17 (RHK) La nacia direktoro pri epidemiologio de la ministerio de publika sano de Kubo, dro. Francisco Durán, informis hodiaŭ ke je la fermo de tiu ĉi sabato, oni konfirmis 10 novajn kazojn pozitivajn de Covid-19 por totalo de 1872 personoj kaj ĉojis pri neniuj forpasintoj dum la kvara tago sinsekve.

Je sama dato, estas enhospitaligitaj por kontrolo epidemiologia 1048 pacientoj. Aliaj 3242 personoj estas kontrolataj hejme tra la baza sanato.

En tiu ĉi tago oni analizis 2083 samplajn, el kiuj 10 estis pozitivaj kaj la lando jam akumulas 81 917 studitajn samplajn kaj 1872 pozitivajn (2,3%).

La 10 novaj kazoj konfirmitaj estis kubanoj. El ili, 8 estis kontaktoj de konfirmitaj kazoj kaj en 2 ne eblis precizigi la kontaktofonton. El ĉiuj konfirmitaj kazoj 1604 estas kontaktoj de antaŭaj pozitivaj dum 131 el la kazoj venas el eksterlando.

El la novaj kazoj 50% estis viroj. El la 1872 pacientoj diagnozitaj, 296 restas enhospitaligitaj kiel aktivaj kazoj. La nombro da forpasintoj restas je 79, plus du eksterlandanoj evakuitaj al siaj respektivaj landoj kaj 1495 jam rekuperintaj (35 pliaj hieraŭ). Tri pacientoj estas en kriza stato kaj 7 en grava stato.

Spite al la favora evoluo de la malsano en la insulo, la aŭtoritatoj insistas pri la bezono plu gardi la socian izoligon por eviti revigliĝon de la nova kronviruso.

Dume la kuba registaro pritaksas la evoluon kaj preparas strategion por iri al rekuperiĝo kiam venu la momento en la venontaj monatoj.

<https://www.radiohc.cu/eo/noticias/nacionales/222934-raportas-kubo-10-novajn-kazojn-kaj-neniun-forpason-de-covid-19>



Radio Habana Cuba